

吳橋縣志

光緒元年乙亥春仲

重修吳橋縣志

板藏瀾陽書院

中國農工銀行
LIBRARY OF THE
BANK OF CHINA

序



按周官外史掌四方之志後世
因之凡通省郡邑皆有志、史
之遺也予於同治甲戌夏權篆
吳川適值
爵替合肥李相國纂修畿輔
通志通飭採訪事宜并令續

吳橋縣志

卷一

序上

一

葦邑乘當覽舊志知為前令
晉陽任伊以纂修於康熙癸
丑歲迄歷百數十年矣亟經
詳閱揆以重修惟念其中復
通損益之事舉墜興廢之由
無從考稽且修志之難葦於
修史以事瀟灑可誌遠近

役施而民氣之盛衰祝夫吏治
之得失吏治之得失資夫志乘
之攷鑑歷久不修益無所考况
通志之記載要在名邑一邑不
詳即無由成書是志乘豈容
因循而弗修也豈聘馮公祝仲
并與諸同志設局採訪旋得

故紳季洞蒼進士聞見錄、於
乾隆三十九年前志德漫殘缺
者志詳載之酌採摭編功遂
得半由是益之以耆老之傳聞
卷摭之記載詳加訪察彙纂
咸常用志換益之故興廢之
由而已尤冀博雅君子治之任

斯士者一區救其涸時益增之則
幸甚

光緒元年歲在乙亥春三月署
知吳橋縣事吳興倪昌燮叙



重修吳橋縣志序

古地志如禹貢職方率皆載方域山川物產備攷微而已至太平寰宇記增以人物兼以藝文遂為今世志書濫觴蓋自象風典曆凡鄉先輩之嘉懿行音賴邑乘以傳不獨備考徵並足賞觀感焉然達置有沿革人物革出月異歲不同能隨時增修則志遂而

吳橋縣志

卷一

序

隱抑亦考古之憾也吳橋縣志自

康熙三年治先修迄今已二百餘軋隆三十七年邑進士李洞蒼先生為著吳橋文獻考之書并藏於家未及梓行同治癸酉歲安徽李少荃爵相總制畿輔將輯通志仍屬郡縣各修專志以備採擇邑人江西石君學階方率邑紳捐修文廟撥工該後即奉修志事

乃工朱歲而以禮去攝篆者為浙江
倪理師大令公下車伊始日坐堂皇視事
片言定讞積牘廓清神君之卷大噪邑
向無寺院公慨然倡捐集貲創建延福建
馮覲仲孝廬五楹而修志公自任之日
鉅槩惟歷年久遠披詳良難乾隆以前
則以孝考為依據後此則憲崇錄訪因請
兩學博王鶴汀孝廬蘭愷洲明鍾並邑人

季甥和孝廬共襄生成而屬家大人董
聖子體例微旨變通而添繪諸圖較舊志
尤為詳備不數月哀銘盈帙乃方洞蒼先
生之輯文既考也亦甚懼邑志失修後之
人蒐討無憑耳然第弄歲於家久或不
傳即傳亦不遠今公提倡新舉不特洞
蒼先生之苦心不致湮沒而二百年來之
建置沿革人物之卓著以及科名藝文

凡足備考徵實觀感者出藉以不泯公之
為功於吾邑也豈不偉哉時予備員史館
仲弟恩濟以侍讀保直徽垣並羈系邸未
獲付家大人供採訪之役而公所不素
穎惠殷門序予亦以百閱桑梓方幸公
之善政嘉直於吾邑去無窮又幸公之掾
筆一為吾邑光出更足以垂之久遠也爰
備述顛末以論後之續修縣志者

賜進士出身翰林院編修 國史館纂修

寶錄館纂修 記名御史劉恩溥謹後

大清光緒元年歲次乙亥三月上浣

昔者先王建邦設都欲周覽天下之故而懼其或遺也於是
有邦國之志小史掌之四方之志外史掌之志之所從來舊矣故
郡邑無志則沿革廢興利弊淑慝奚所憑而考焉明道之在鄆
晦翁之在南康皆惟是首務二公者誠知所重也已吳橋舊無
志但有抄本疎畧殘蕪散亂無紀而一統志收河未詳郡志亦
多不覈識者病之萬厯改元毅所公蒞治斯邑越明年政通人
和百廢具舉慨邑典無徵思繼程朱之治迺屬憲副省齋先生
纂脩焉時維禮適厠賓塾先生顧謂維禮曰吾自謝政歸林有
年載矣豈不念及此哉方將仰寥廓看蜚雲舞白鷗歌黃鵠與

吳橋縣志

卷一

原序

四

吾鄉吾黨同遊於擊壤擊缶之域興至則賦詩一章以宣暢情
志頤吾天真此吾樂也若復欲勞神費辭參訂互考鼃鼃而爲
此則不暇矣中衡子其可無爲吾邑志之維禮作而言曰惡乎
敢惡乎敢夫郡邑志大都其郡邑人爲之不則亦仕於此者僕
遊子也何所知識何所司守而與於是先生夙備三長當世外
史貴邑志非先生之爲而誰爲書其所聞見一搦管伸楮立就
矣其何神之勞而辭之費也先生曰唯唯否否居吾語子以吾
之心夫志者史別名也史必有褒貶吾居是邦而褒貶其邦之
人若事卽欲奮筆信舌於心安乎褒之或以爲私貶之或以爲
偏恐非所以昭古信今垂後取徵也是故里人曲直里之人曲

直之則終日而不決行道之人過之曰某也直某也曲則一
言而辨矣何則有心與無心也今予之辱居於吾邑也何憎何
愛何譽何毀據事而直書之因人而案斷之此所謂辨曲直於
行道之人也以是昭古以是信今以是傳後夫是之謂有徵夫
是之謂定論子其毋辭且子以爲志必邑人爲之耶馬史班書
豈皆其邑之事今之職史館者將舉天下事華袞而斧鉞之則
又將誰讓也盍小試焉禮聞之慙然赧竦遷延而避席曰吁謂
之茲耶先生之命我意過厚矣顧余謏劣方業章句文字之不
暇其何史之敢云然竊聞之東里氏之柄鄭也舉國而聽斷焉
至其爲命則不以自主有草創者有討論者有修飾者然後從

吳橋縣志

卷一

原序

五

而潤色焉故孔子稱之夫彼不過一時應對之譚耳且猶慎重
若是矧志以立不刊大典乎然則禮也亦自附於草創之義以
竢先生爲之潤色也不復辭讓遂秉筆而書之披覽圖籍咨詢
風謠得其建置沿革之詳山川形勝之大城池橋梁里巷之畧
鄉鎮市集俗尚之槩作輿地志第一地里旣備宮室斯建作宮
室志第二有居必有食財賦出焉作食貨志第三守土司風莫
居足食者官師也作官師志第四官師立而政教興政教興則
髦士選矣作選舉志第五選舉以論文也文章之外有政事有
德行有節義斯賢也作人物志第六人物以論行也古者立史
左動右言言行不可偏廢作藝文志第七藝文者士庶人之言

也猶欲志之不忘况渙汗之號王朝大典不忘何以傳乎作王
言志第八輿地以始之塚墓以終之亦欲夫生斯土者不與草
木同朽腐也作終志第九此其大畧也蓋行道之論不敢自謂
不敢自謂不公而聞見者寡或多散逸遺漏焉則非予之所知
也尙待博雅君子討論而修飾之云爾錄成因叙其端萬曆三
祀八月望日

原跋

邑李 懿

吳橋之在天下猶著面黑子耳無名山巨川之勝而人文又復寥寥比之大都蓋深讓焉雖無志可也故舊無志然杞宋無徵孔子傷之今行部者省方觀俗往往索取司茲土者其何以應邑侯龔公以甲科蒞吾邑慨舊典之莫稽懼將來之益廢乃以託諸中衡錢先生未幾龔公遷官去中衡主吾撰次裁定凡五閱月告成余畧爲之總括焉邑博李子子翼李子仲元張子大卿參訂之志雖畧具然比諸大方則忤矣雖然曲阜鄒魯昔當孔孟未生時亦尋常小邑爾暨尼山產聖三遷卒業則鄒魯蜚聲振古今雖平陽蒲坂無多讓吾邑雖小後之諸君子誠能味道砥行以聖賢自期則事業掀揭天地將爲昭豈獨地靈爲勝耶是余深有望於後之人也尙其勗諸

吳橋縣志

卷一

原跋

七

舊序

縣之有志一方之文獻也吏治民風皆於此取衷焉所關非淺鮮也官於斯者見封域之險易建置之沿革戶口之隆殺官職之邪正考鑿得失以施補救上於是有善治生於斯者見山川景物咸有安土樂業之思見賢良孝義咸懷革薄從忠之志見科第宦跡咸知力學稽古之榮觀感奮興競相勸勉下於是有淳風然則志書亦胡可闕哉吳橋有舊志出自本邑故憲副省齋李先生手迄今百年矣屢經兵燹板不復存前者聽其殘缺後者未能增續志書中斷良可惜也今

皇清受命肇域萬方薄海內外悉載版圖幅隕之長未有盛於斯

吳橋縣志

卷一

舊序

時者矣

皇上允輔臣請修一統志俾州縣各編輯以進以備採擇覺承乏邑令敢不恪共乃事用襄鉅典爰集師儒博詢父老合舊章新聞而損益之開局受餐積有歲月編治成書分爲十卷一日輿地二日宮室三日食貨四日官師五日選舉六日人物七日藝文八日武備九日王言十日終志聞見不廣遺漏或多然而大畧已備矣志成付梓覺於此竊有感焉李公舊志修於萬曆三祀彼一時也太平日久煙火相連頗稱蕃庶迨至明末戎馬凶荒相繼爲災熒熒子遺凋殘不堪問矣幸我

朝定鼎覃敷聲教惠綏多方民乃稍蘇而元氣尙未全復也覺茲

茲土惄然憂之乃恪遵

上臺憲約爲之緩催科均戶口修學校練鄉勇嚴保甲禁羨耗捐贖鍰朝夕冰競惟恐負

皇上休息斯民至意然才短政拙於縣無補賦稅未嘗不完而剝肉醫瘡可念也力役未嘗或偏而憚人載傷可哀也村落猶存矣類十室而九空也絃誦如故矣類捉襟而肘露也豈非久饑者非一飯之所能充久病者非一劑之所能愈乎則今日之吳橋求如昔日之蕃庶難矣嗟乎今窮簷疾苦非獨此邑爲然也所望司

國計者由一邑而推之列邑繪圖入

吳橋縣志

卷一

舊序

九

告普邀

皇仁以固邦本爲

國家奠億萬年不拔之基下邑小臣實藉有休光是爲序

康熙十二年歲在癸丑秋月吳橋縣知縣任先覺謹序

舊跋

邑楊萃

嘗謂造九重級龍鳳之閣者松柏杪檜羣材庀集焉而間以一椽樛櫟可乎繡十三章黼黻之裳者山龍華藻五采張施焉而雜以半縷葛棉可乎九苞之翮不遺片羽千金之裘必須一腋蓋貂可續而璧不可瑕也

國家將成宇宙全書而先之以采十五國之風備官備物不欲使一隅之或缺故雖小縣亦不得無志也吳橋僻在瀛南亦畿輔封疆例應有志書成將上之太守太守覽焉輯爲郡志附而上之宗伯宗伯奏焉采入一統志凡衛水係漕運之咽喉鈎盤思夏禹之明德孫武清之兵法傳諸後世范文忠之節烈冠乎當

吳橋縣志

卷一

舊跋

十

時秉彤管者必錄之而不遺譬之周天垣野宿象森羅而間有一星耿耿然若燭火焉不可謂非天之光也天下從此知有吳橋矣鄙俚荒畧苟且成文余小子實多懼焉亦曰不賢者識其小者云爾

舊跋

邑周慎密之人

余吳人也日習於吳而不知吳之有可傳者也及維名筆鑒錄登諸簡冊而可傳者出焉蓋其文傳則其事亦傳並其地與之俱傳下邑顏開荒城名起亦斯地之大幸也今

皇清定鼎奄有萬方

允輔臣請修一統志檄下郡縣俾各成書以備史館弘材邑侯任公乃卽我謀余曰吳小邑也天下之大而吳邑介乎其間猶之面著黑子烏乎志侯曰秦楚雖大而不欲與鄒魯比隆者聖賢生焉耳邑有范文忠節義文章炳燿千古天下萬世疇不知有吳橋者况前哲後賢復踵相接也雖巖邑無加焉何云小乎余

吳橋縣志

卷一

舊跋

十一

案牘旁午弗暇採輯有老成博物曉暢古今者問以爲請用助余之纂修不佞舉邑庠楊子萃以對楊子受命維謹乃風聽臚言廣詢黃髮爰搜舊典績以新聞三閱月而成草侯取而潤色之凡邑中之若鉅若細莫不犁然備具至切於名教裨於政治者尤三復致意焉以龔黃之德政發爲斑馬之文章陳者新之冗者節之鄙者文之言約旨遠事質筆工煌煌乎一邑之鴻章也於以上之石渠登諸

國史則事以文傳地以事傳豈非吳邑之大幸哉剗劂旣竟以帙

示余余見曠典之告成喜文獻之有在遂忘疎劣僭贅簡末以竊附不朽是又余之厚幸也侯青年甲第異政孔多擬光棗梨

例不敢載附紀於此以俟後之作者
康熙十有二年歲次癸丑仲秋穀旦

吳橋縣志

卷一

舊跋

十三

續修吳橋縣志敘例

州縣之志古者侯封一國之書也就一縣之事而志之舉其凡目可以見一縣之事矣若不先崇體例慎所取裁何以爲一邑之史耶今爲挈其綱領以修明之使後之人知其典則識所勸懲治法備而掌故存不敢以己之臆見爲詳畧也

古者列國皆有史書唐宋州郡之書多尙圖經而地理統圖則起於周官大司徒職方氏迨漢入關蕭何之收圖籍是已蓋圖之存於古者代有其書特以史部不收再傳而失其本耳夫志不立圖則形狀名象必不可求倘不爲繫說命名釐定篇次何以立體耶釋名曰南北爲經東西爲緯地理之圖亦畧存經緯

吳橋縣志

卷一

敘例

十三

焉茲開方計里而以黃圖元和郡縣圖志圖與書相輔而行也志作沿革表所以標其眉目以資考鏡也至於職官選舉詳其列官之歲科舉之年若不年經事緯終覺立例不精難於尋究茲倣馬班表體班分類附事緯年經俾流覽者按索而易攷云顏師古曰志記也積記其事也班固漢書作地理志并及分野後漢書倣之作郡國志後之史家皆守其例而不變茲輿地本之各史地志通典通考詳載沿革表至於疆域四至里甲村莊是必詳明道里方可皆有所稽舊志里甲河渠河工古蹟諸多缺畧且雜敘分志未免漫無所據今則考訂各書併歸輿地志使覽者詳焉

建置所以志法度也夫建者立也樹也置者安也設也城邑衙署壇壝祠廟社稷民人所田重也制度所不載則不入焉若八景命名庸陋無所取材概爲削去不留以嚴史體

史遷平準之書班固食貨之志所以存一代之典也欲考今者先徵於古茲志田賦先敘歷代之制粗述梗概以爲緣起詳載國朝賦役全書以見制度有經也

學校廟祀載於會典士民罕見其書近見陳繹護太尊固安縣志於學校一門廟制祭器禮文樂章悉依國子監志載入今特倣照詳列所以明禮教備後人之資考也茲志典禮遵照會典禮部則例編輯成書至於邊豆笙磬之數揖讓拜跪之文詳備其儀以爲掌故率而行之可以知禮之所由矣

吳橋縣志

卷一

敘例

古

作政績畧與忠義列傳有殊體焉蓋傳之體縟而文畧之體直而潔是峻潔其體斯可冠冕列傳耳古人有經無緯之書大抵名之曰畧裴子野取沈約宋書而編年責實義取謹嚴表有名而畧無述雖語無褒貶而意具抑揚去取之間寓春秋之意可爲從政者勸也

釋名曰傳傳也以傳示後人也自左史彙萃寶書詳具春秋終始而史遷則以人別爲篇標傳稱列所由名矣邑之人物如范文忠孫武清與儒林循吏有事重於人者蓋列之以傳茲爲列傳皆本之舊志碑記或有年遠莫考者則畧而不詳仍其舊而

無所筆削以合闕疑之義

節烈之傳倣於劉向以傳其行也疾風勁草忠臣烈士與日月爭光焉若貞女節婦熒熒自守心如金石百折不回大義所存皎如冰雪固可與忠臣烈士並傳不朽矣雖地不乏人人不乏事然而人微跡隱不值輶軒之採或又未遇旌揚雖有苦節幽貞歸於草木同盡豈不悲哉茲則責成採訪之人悉心搜訪雖未邀旌典者嘉其苦志亦必類列以著芳型並著德壽二人以合劉向之例羅列女行也

晉葛洪撰西京雜記乃當時欲撰史錄事而未得締思無前後之次雜記而已嗣後唐李璋有晉陽事蹟雜記張文規有吳興吳橋縣志

卷一

敘例

十五

雜錄是其例矣乃倣而記之孟堅仍七畧而志藝文以傳篇目後之史家作志皆倣其意焉吳邑凡有錄其記事敘述之文以證城池學校廨舍之興廢名宦選舉之盛衰與志傳紀事可爲表裏其傳狀碑銘有與列傳相彷彿者正以詳畧互存徵事得實以補志之闕也其無關於考證得失者概不入焉附以詩歌亦寓國風遺意以非班氏藝文之例不敢云志故名爲錄云

古者史家著作旣成必反覆推明著書之旨此馬班之自序敘傳所由作也志乘爲一邑之史不明史家紹述淵源之義不列專篇乃今前志難傳湮而莫考抑亦弗思之甚矣夫索綬之前

涼春秋端資邊瀏常璩之華陽國志半襲譙周是則一方之書不能無藉於一方之紀載若不敘列其文明折衷之有自豈非得魚得筌又何怪乎放失難考耶茲特羅列序跋於卷首以明撰述之所自標去取所由來畧倣史家敘傳敘錄之意推明其故以爲後來者例焉

吳橋縣志

目錄

歷修縣志姓氏

圖說

縣輿地圖一
 輿地分圖四
 運河圖一
 縣城圖一
 縣署圖一
 義倉圖一
 學宮圖一
 書院圖一
 范公墓圖一
 孫公祠墓圖一
 范公祠圖一

卷一

輿地志

沿革表

星野

疆域

吳橋縣志

卷一

目錄

七

里甲

村莊附

河渠

河工附

古蹟

塚墓附

風俗

物產

卷二

建置志上

城池

街巷附

公署

公舍附

倉儲

義倉附

學校

學宮 陳設 禮器 樂章 歌譜 合樂

書院

經費章程附

義學

經費章程附

卷三

建置志中

壇廟

祠祀

寺觀

坊表

卷四

吳橋縣志

卷一

目錄

六

建置志下

漕運

兵防

舖司

驛站

津梁

市集

廟會附

郵政

留養局養濟院經費章程均附

卷五

田賦志

歷代之制

現在地畝之數

戶口

地糧

丁銀

領支

鹽課

雜稅

卷六

官政志

吳橋縣志

卷一

目錄

十九

職官表

政蹟

慶典

祀典

禮節

卷七

人物志上

選舉表

忠義

孝友

仕績

武功

卷八

人物志中

封贈

馳封附

恩蔭

文學

卓行

流寓

卷九

吳橋縣志

卷一

目錄

三

人物志下

節孝

貞烈

德壽

卷十

雜記

考辨

災祥

撰著

金石

識餘

卷十一

藝文錄上

疏

議

書

碑

引

示

卷十二

吳橋縣志

卷一

目錄

三

藝文錄下

傳

志銘

文

贊

記

序

詩

賦

歷修縣志姓氏

明萬曆三年創修

知縣龔勉

毅所江蘇無錫縣進士

陝西西甯道兵備副使李懿

省齋本縣進士

錢維愷

參訂

李子翼仲元

張大卿

按歷修縣志姓字舊志刪而不錄茲於聞見錄中得原序原跋各一始知梗概開列於右其參訂之李子翼等三人皆失

吳橋縣志

卷一

修志姓氏

三

其名亦莫知為何邑人嗣至

國朝康熙間任伊水重修以前有無纂葺亦莫考焉

康熙十二年重修

知縣任先覺

伊水山西武甯所進士

參訂

教諭郝化鳳

永年縣舉人

校閱

典史鮑鉉祚

江南丹陽縣人

纂修

生員陽萃

詮次

生員祝吉士

生員李廣颺

生員劉德昭

光緒元年續修

運同銜候補知州權知吳橋縣事倪昌燮

理卿浙江歸安縣人

瀾陽書院掌教辛亥科舉人馮慶楊

硯仲福建閩縣人

協修

吳橋縣教諭辛亥科舉人王子皋

鶴汀開州人

吳橋縣訓導

蘭體春 惺洲滄州人

吳橋縣志

卷一

修志姓氏

三

候選知縣辛亥科舉人季調元

燭和本縣城人

辛酉科副舉

吳潯源 棠湖甯津縣人

編輯

吳橋縣典史

施崇禮 敬齋浙江歸安縣人

候選鹽大使

閔榮爵 秋卿江蘇儀徵縣人

廕生候選主簿

王珍 韻珊河間縣人

六品頂戴候補典史

章師吉 子中江蘇陽湖縣人

五品頂戴

房文蔚 蘭耘山西靈石縣人

恭閱

候選縣

承鍾為棟 枚臣浙江會稽縣人

二品封四品 銜劉碩膚 陝東本縣人

增 生趙本潢 漢槎河間縣人

督刊

運

同

銜張書麟 春浦本縣張家窪人

六品頂戴候選主簿王耀會

小梅本縣人

校對

附

生周德俊 春明本縣杜莊人

附

生吳懷恩 桐軒本縣前孫莊人

附

生吳懷芬 蘭階本縣前孫莊人

採訪紳士

吳橋縣志

卷一

修志姓氏

三

分發山東補用同知吳鏡蓉

蓉堂本縣蘇家場人

藍翎候選同知加一級王榮晉

建章本縣城人

同

知

銜陳融 正陽本縣上村陳莊人

同

知

銜吳淇 小汀

候選教諭癸酉科拔貢王重熙

際唐本縣朱王奉莊人

候

選

訓

導高鵬程 搏海本縣東謝莊人

貢

生李天申 謂三本縣連鎮人

廩

生盧龍驤 雲衢本縣上村孫莊人

廩

生齊承緒 佑亭本縣老賈莊人

廩

生王化瀄 桃軒本縣李四夢莊人

吳橋縣志

卷一

修志姓氏

三五

廩

生趙光震

竹舫本縣南趙莊人

廩

生韓邦達

擢之本縣韓莊人

廩

生金象震

復堂本縣金莊人

增

生吳懷謙

竹溪本縣前孫莊人

附

生孫焯

琴甫本縣樹頭孫莊人

附

生王書元

見台本縣王

附

生張季庠

毓洲本縣小張莊人

附

生王普

澤臣本縣范家屯人

附

生張晴嵐

張家集本縣

附

生祝光紱

嶽泉本縣東宋門人

附

生張毓瑛

鴨張本縣老

附

生張錫疇

東丁本縣

附

生管調陽

管莊本縣

附

生蕭振

無名本縣

附

生侯管城

里侯本縣萬

監

生邢元勳

邢家窪本縣

監

生徐參軍

逸堂本縣徐

都

銜楊伯慶

祝三本縣

六

功高連城

趙璧本縣

品

軍

生梁汝桓

勗臣本縣

武

生梁汝桓

縣城人

吳橋縣輿地全圖



吳橋縣志

卷一

圖說

三六





按吳邑運河現在最關緊要險工不一另立專圖其古黃河鈎盤河沙河古跡猶存而來源以竭三河悉涸至宣惠河夾原以所消四路窪下瀝水者也今製輿地總圖每方五里所有原設義倉及關考証有市集村莊均載入圖加繪諸河用明水道并附橋梁以詳陸路而便省覽焉


吳橋縣志

卷一

圖說

三七

按吳邑凡五百七十四村莊若以詳載總圖格小字繁誠恐欲明反晦因分立東南西南西北東北四鄉分圖仍按每方五里按里列載各村莊名於分圖以備省覽焉





吳橋縣志

西北鄉分圖

卷一

圖說





東北鄉分圖

吳橋縣志

卷一

圖說

吳橋縣


吳橋縣境 運河圖

吳橋縣志

卷一

圖說

三



吳橋志

卷一

圖說

山東平賊
碑
老君堂

新建堡房
山東德州界
第九屯

越堤
關帝廟即山
東第四屯
降民屯

新建堡房

草壩三座

吳鎮蓉建防河公所所

越堤
藕家場

安陵

新建堡房
何家庄
王龍光庄

新建堡房

吳橋縣城濠圖

吳橋縣志

卷一

圖說

三六

演武廳

玉皇廟 天齊廟


小廟

泰山行宮

關帝廟

八蜡廟 大王廟 劉將軍廟

龍王廟



真武廟

西山會館

後城街 季家胡同

東後街

東門大街

觀音堂

柴火市


常平倉

南營子

太平街

官院

廟神火 廟帝開



吳橋縣志

卷一

圖說

廟衣白


吳橋縣治圖

吳橋縣志

卷一

圖說

三六




吳橋縣志

卷一

圖說

三七



常平義倉圖

吳橋縣志

卷一


圖說

三六

西

南

北



吳橋縣志

卷一

圖說

三九

東

文廟圖

吳橋縣志


卷一

圖說

四

文廟圖式

東




吳橋縣志

卷一

圖說

四十一




蘭陽縣書院圖

吳橋縣志

卷一

圖說

四三




福祿壽圖

吳橋縣志

卷一

圖說

聖



范公墓圖

吳橋縣志

卷一

圖說

四十四



吳橋縣志

卷一

圖說

四十五




孫公祠圖

吳橋縣志

卷一

圖說

四




燕公墓圖

吳橋縣志

卷一

圖說

四七




吳橋縣志

卷一

圖說

吳



吳橋縣志卷一

輿地志

沿革表

朝代

統部

州郡

縣名

唐

兗州域地

禹貢濟河惟兗州

虞

兗州

夏

兗州

商

兗州

爾雅濟河間曰兗州註此蓋殷

吳橋縣志

卷一

輿地志

沿革表

四

制

周

兗州

周官職方河東曰兗州其山鎮曰岱山其川河

沛通典唐河北道之清河博平

平原樂安景城等郡皆古兗州

地也

戰國

齊趙界

左傳註條晉地趙策燕封宋人

榮釜高陽君使將而攻趙趙王

因割濟東三城合盧高唐平原

秦

陵地城市邑五十七命以與齊而將之漢地理志趙地北有信都按吳橋西北境為條屬信都齊地西有濟南平原按吳橋東南境為安德屬平原

齊郡邯鄲郡界

按秦郡三十六有齊郡無濟南平原而濟南為故齊郡與平原壤地相接則平原當分齊郡置

吳橋縣志

卷一

輿地志

沿革表

五

信都國在河間國南趙國東北而河間分趙國置趙國為秦邯鄲郡中隔信都則信都當亦邯鄲郡分置漢地理志曰邯鄲北通燕涿南有鄭衛漳河之間一都會也信都正漳河地其為秦邯鄲郡可知

漢

安陵縣入修縣
將陵縣入安德縣

吳橋縣志

卷一

輿地志

沿革表

五

漢書地理志青州平原縣信都
 德縣冀州信都
 國景帝二年為
 廣川國宣帝復
 故界曰新博明
 帝更名樂城安
 帝改名安平修
 縣
 舊唐書將陵漢
 縣隋分安德於
 將陵故城置
 水經註安陵縣
 修之安陵鄉也
 應邵曰修縣東
 四十里有安陵
 鄉故縣也
 按唐書水經則
 將陵安陵皆漢
 縣而漢地志皆

無之當是已立
 旋廢或初因秦
 舊而後改置史
 乃據其後書之
 與既云修安陵
 鄉則安陵當入
 修將陵故城既
 在安德則將陵
 當入安德

後漢郡國志

青州

平原郡安德侯國

冀州

渤海郡

修縣故屬信都

晉地理志

冀州

平原國

安德縣

渤海郡

東安陵縣

北魏地形志

冀州

渤海郡

安陵縣

後漢治高邑袁紹曹操為冀州

漢高帝置世祖初改滄水郡太

晉置

吳橋縣志

卷一

輿地志沿革表

五十二

治鄴魏晉治信都晉世邵續治厭次慕容垂治信都皇始二年平信都仍置

和二十一年復

安德郡

安德縣

太和中置尋併渤海中興中復郡志北魏之末高齊代起州郡一承魏置如初

兩漢晉屬平原後屬渤海後屬安德

隋地理志

兗州

平原郡

將陵縣

開皇十六年置

東光縣

惠帝之後冀州淪沒于石勒勒以太興二年僭號於襄國稱趙後為慕容雋所滅慕容又為符堅所滅孝武太元八年堅敗其地入慕容垂垂僭號於中山是為後燕後燕卒滅於魏按東安陵當分修置是後乃不復入修

唐地理志

河北道

德州平原郡

將陵縣

大業初併安陵入
按舊唐書將陵
分安陵置已見
前安陵既廢入
東光則大業後
當作東光論

宋地理志

河北東路永靜

將陵縣

武德四年析東
光置
舊唐書安陵縣
永徽二年移治
於白社橋

吳橋縣志

卷一

輿地志

沿革表

三

軍

保順軍

周置軍於滄州
無棣縣南二十
里開寶三年又
以滄棣二州界
保順吳橋二鎮
之地益焉仍隸
滄州
按長河為今德
州治既併安陵
入當盡有今吳
橋地而吳橋鎮
為今縣治其以
益保順軍者則
特割以東屬如

景祐元年移治
於長河鎮二年
廢安陵縣入將
陵縣

今德州衛所轄屯所極狹且長且有孤懸而遙屬者如吳橋東為甯津即臨津昔之為鎮當是安陵將陵臨津三縣之交如今安陵有景州地連窩有甯津地雖地不多必分屬以爲會治之所故日滄州界也吳橋名始見於此

金地理志

河北東路

河間府景州

吳橋縣

按吳橋分宋將陵置而將陵安

吳橋縣志

卷一

輿地志

沿革表

五十四

陵廢城皆在縣境內東南西三面俱與今德州接是宋既併將陵安陵之地金乃就其中割以立縣因合二縣之地而析置之非因舊安陵之地而復置之也自是將陵爲今德州與吳橋無與

元地理志

燕南河北道

河間府路景州吳橋縣

明地理志

直隸北京

河間府

吳橋縣

國朝

直隸省

河間府

吳橋縣

吳橋縣志

卷一

輿地志

沿革表

五

附識地舊名吳川以古黃河淮流其南亦曰瀾陽明大學士范文忠公邑侯思侗王公為北吳歌故又稱北吳按應邵地理風俗記修縣東四十里而古南條在景州南十二里以東西里數度之今縣治正當其地觀唐志永徽二年移安陵於白社橋則今之安陵鎮為唐安陵縣而古安陵無聞豈今縣

治即古安陵移治後廢為鎮今乃因其舊而立縣與附記於此以俟考質

星野

周禮保章氏以星土辨九州之地所封封域皆有分星以觀妖祥

禹貢兗州之域

春秋元命苞云昴畢間爲天街散爲冀州分爲趙國

舊縣志云於角亢壽星之次

按分野自軫十二度至氐四度爲壽星

漢書天官志角星兗州史記角亢散爲兗分爲鄭景州衛河以西原屬冀河以東原屬兗則吳橋爲角亢壽星之次明矣宋中興志云王奕曰天本無度二十八宿亦未始有度也天

吳橋縣志

卷一

輿地志 星野

三

體冲漠雖分爲三百六十五度然其度難別也推步者隸其度於二十八宿用以紀日月所躔而已沈括筆談曰天事本無度不分之無以寓其數循黃道日之所行一晷當者止二十八宿星而已蓋昴畢所該甚廣全趙同古故漢唐諸書不言某邑入於某度也

河間府入畢十度見晉書

天市西垣南第十星曰河間

論曰說者曰郡之分野卽邑之分野則吳橋亦當在畢十度矣據州志東光志俱屬趙地趙之分野當在大梁之次以衛水爲界在地則盈盈襟帶耳在天則辰酉東西隔越夫以彈

凡之區與清虛碧落之上細分界限不亦恍忽而莫據乎天道遠姑存而不論可也古者列國皆有星官以譏察妖祥如裨竈之卜楚梓慎之占宋史墨之占越其應若影响蓋占驗有定術也今則星官掌於欽天監而郡邑不得私習矣况夫天下一統一星之祥則天下同其福一星之妖則天下同其變又何必區區強分界限以祖牽合之說哉錄舊志

疆域

縣境東西廣四十里南北二袤七十里

東至甯津縣界二十五里至縣治五十里

西至景州界二十里至州治四十里

吳橋縣志

卷一

輿地志

疆域

里甲

五十七

南至山東德州界三十里至州治五十里

北至東光縣界四十里至縣治六十里

東南至山東陵縣界三十一里至縣治七十里

西南至山東德州界三十里至州治五十里至故城縣九十里

東北至甯津縣界二十八里至縣治五十里

西北至景州界四十里至州治八十里至阜城縣九十里

北至河間府二百四十里至省城保定府四百二十里至

京師六百四十里

里甲

仁和里	孝義里	豐樂里	安陵里
定原北里	定原南里	順政里	順義里
安德里	新得里	新安里	歸仁里
歸厚里	崇德里		

按明洪治初年編仁和孝義豐樂安陵定原五里十四年增順政順義安德並分定原為南北計四里永樂十年增新得一里景泰三年增新安一里天順六年增歸仁歸厚二里成化八年增崇德一里共十四里

又舊志在城總甲地方九名四路分二十鄉

東路

英橋縣志

卷一

輿地志 里甲

五

興仁鄉	興義鄉	興禮鄉	興智鄉
興信鄉			
南路			

崇仁鄉	崇義鄉	崇禮鄉	崇智鄉
崇信鄉			

西路			
守仁鄉	守義鄉	守禮鄉	守智鄉
守信鄉			

北路			
盡仁鄉	盡義鄉	盡禮鄉	盡智鄉

盡信鄉

每一鄉一總甲四五地方不等向未按照此式分鄉是存其名而已且地方亦未便設立百十人之多歷以十四里謂十
四鄉分二十一保正三十七地方為十七總甲外沿河等五
地方為四甲

村莊附

吳邑凡五百七十四村莊分二十一保正四十二地方統之按
定制十家為甲甲立一長十甲為保保立一正一副無事相
濟有事相救其隱隱不舉及退避不前者治以連坐之罪蓋
弭盜安良之要務也

吳橋縣志

卷一

輿地志

里甲

五九

縣東地方分統六保

第一保一總甲二十九村莊

塘坊 城東半里

胡莊 城東北二里

老鴉張莊 城東北二里半

三里陳莊 城東三里

季家河 城東五里

楊密莊 城東六里

遷民屯 城東北六里半

溝莊 城東十一里

田莊 城東北十一里

于皮祆莊 城東北十一里半

麻線張莊 城東北十三里

王庫吏莊 城東北十四里

時莊 城東北十四里半

大陳莊 城東北十五里

崔莊 城東北十五里

周家窰 城東北十五里

馮莊 城東北
十里

小陳莊 城東北
十六里

孫龍莊 城東北
十七里

張家園 城東北
十七里

侯莊 城東北
八里半

吾道李莊 城東北
十八里

張莊 城東北
十八里

邊莊 城東北
十九里

劉表莊 城東北
十二里

朱家寺 城東北
十二里

張家園 城東北
十三里半

裕連韓莊 城東北
十五里

小王莊 城東北
十五里

第二保一總甲二十八村莊

王家場 城東北
半里

梁家廠 城東北
半里

老王莊 城東北
二里

楊校尉莊 城東北
四里

吳橋縣志

卷一

輿地志

里甲

卒

小趙莊 城東北
四里半

閆家莊 城東北
五里

倉上村 城東北
七里

張朝士莊 城東北
十二里

位莊 城東北
七里

張福廣莊 城東北
十二里

丁家莊 城東北
三里

孟家窰 城東北
五里

付家莊 城東北
八里

樹頭孫莊 城東北
十八里

史家莊 城東北
八里

范家屯 城東北
十八里

郜家莊 城東北
十九里

無名樹莊 城東北
九里

前郭莊 城東北
二十里

王士良莊 城東北
二十里

尤家莊 城東北
二十里

邊莊 城東北
十里半

北姚家莊 城東北
十一里

司家莊 城東北
十一里

蔣家閩 城東北二里

後郭莊 城東北二里

梅家莊 城東北二里

徐羊皮莊 城東北二里

第三保一總甲二十七村莊

白楊樹郭莊 城東四里半

窪呂莊 城東十里半

窪吳莊 城東十里

張維莊 城東十里

柴古梁莊 城東十里

溝店舖 城東十里

小喬莊 城東十里

大孫家莊 城東十里

張甄莊 城東十里

大曹家莊 城東十里

前豆末王莊 城東十里

後豆末王莊 城東十里

小油坊趙莊 城東十里

宋家橋 城東南五里

吳橋縣志

卷一

輿地志 里甲

空

沈家莊 城東十里

劉營莊 城東十里

馬家莊 城東十里

范家集 城東十里

陳家廟 城東十里

譚家莊 城東南十里

邢莊 城東十里

朱王奉莊 城東十里

屠家張莊 城東十里

菜園王莊 城東十里

小王莊 城東十里

武莊 城東十里

啞羅寨 城東十里

第四保一總甲十八村莊

部莊 城東半里

教場 城東半里

金子王莊 城東五里

王泉莊 城東六里

小吳莊 城東七里

大王舖 城東八里

吳家新莊 城東八里

西李莊 城東九里半

圈陳莊 城東十一里

郭紅莊 城東十一里

八溝孫莊 城東十一里

蓋佃王莊 城東十一里

後李莊 城東十一里

趙杆竹莊 城東十二里

前李莊 城東十二里

火盆陳莊 城東十二里

三里萬莊 城東十二里

大趙莊 城東十四里

第五保一總甲十八村莊

孫其賓莊 城東十六里

尙家莊 城東十六里

高大磨莊 城東十七里

油坊趙莊 城東十七里

吳橋縣志

卷一

輿地志 里甲

三

白家莊 城東八里

戴家莊 城東八里

謝家莊 城東八里

王步箭莊 城東八里

韓家莊 城東八里

西堂 城東九里

大喬莊 城東九里

管家莊 城東十里

霍莊 城東十里

南姚家莊 城東十一里

毛家莊 城東十一里

何家莊 城東十三里

菓園 城東十三里

劉朝士莊 城東十三里

第六保一總甲十七村莊

駙馬莊 城東二里

杜莊 城東二里

李家花園 城南二里

何家堤莊 城東三里

周莊 城東三里

後金莊 城南三里半

前金莊 城南四里

孫豐莊 城東南五里

劉韓成莊 城東南五里

小王子莊 城東六里

小王王莊 城東五里

張宗家莊 城東南六里

千佛閣 城東南六里

彭家寺 城東南六里

小王張莊 城東七里

張計魯莊 城東七里

小王宋莊 城東十里

縣南地方分統八保

第一保半總甲十一村莊

張可莊 城東南十七里

董家莊 城東南十八里

吳橋縣志

卷一

輿地志 里甲

小劉穆家莊 城東南二十里

趙芙蓉莊 城東南二十里

小楊莊 城東南十一里

黃李家莊 城東南十一里

小韓莊 城東南十四里

平房蘆莊 城東南十四里

前後關王廟 城東南十五里

小梁莊 城東南十五里

河溝陳莊 城東南十六里

第二保半總甲十一村莊

高官莊 城東南十一里

高官武莊 城東南十一里

鏢子李莊 城東南十二里

鏢子郭莊 城東南十二里

劉郭莊 城東南十三里

棘科王莊 城東十四里

劉懷莊 城東南十五里

西苗坡梁莊 城東南十五里

東苗坡梁莊 城東南十五里

新莊 城東南十七里

古良友趙莊 城東南十八里

第三保一總甲三十村莊

苗家莊 城東南二十里

于賓莊 城東南二十一里

岳莊 城東南十三里

灣西于莊 城東南十四里

灣東于莊 城東南十五里

李明莊 城東南十五里

高徐安莊 城東南十五里

趙寨 城東南十五里

高馬勺頭莊 城東南十五里

李方莊 城東南十六里

賈莊 城東南十六里

校尉劉莊 城東南十七里

楊莊 城東南十七里

冷家香坊 城東南十七里

吳橋縣志

卷一

輿地志 里甲

六

吳莊 城東南十七里

大道孫莊 城東南十八里

小馬莊 城東南十七里

楊大毛莊 城東南十七里

孫錮錄家莊 城東南十七里

小劉汗家莊 城東南十九里

大劉汗家莊 城東南十九里

大柳樹董莊 城東南三十里

高家莊 城東南三十里

南馬莊 城東南三十里

李堯莊 城東南三十里

姜莊 城東南三十里

朱莊 城東南三十里

尤莊 城東南三十里

王澤莊 城東南三十一里

呂莊 城東南三十一里

第四保半總甲十五村莊

邢家莊 城東南十八里

小張莊 城東南十九里

郭家庵 城九里南十

韓村 城二十里東南

王莊 城二十里東南

趙莊 城二十里東南

馬莊 城十一里東南二

白王莊 城二十里東南

韓莊 城十一里東南二

曹莊 城十二里東南二

寇家莊 城十二里東南二

小吳莊 城十三里東南二

張七莊 城十六里東南二

前桐城莊 城十八里東南二

後桐城莊 城十八里東南二

第五保一總甲二十四村莊

後于莊 城六里南

前于莊 城七里南

張仙廟莊 城八里南

官家莊 城九里西南

吳橋縣志

卷一

輿地志 里甲

五

霸王廟莊 城十里南

張敖莊 城十二里東南

劉葡萄莊 城十三里西南

黃河涯朱莊 城十三里東南

新家莊 城十三里東南

范家閣 城十四里西南

仁仙莊 城十四里東南

楊家莊 城十四里西南

楊家寺 城十四里西南

信家莊 城十五里南

葛家莊 城十五里南

李自賢莊 城十六里南

潘家莊 城十六里西南

蕭家莊 城十六里西南

王祥莊 城七里南

于仲舉莊 城七里南

老賈莊 城八里西南

也家莊 城八里南

蘇家庵 城八里南

岔河莊 城十里南

第六保半總甲十村莊

陳子臣葛莊 城南八里

鹽駝劉莊 城南十里

野豬李莊 城東南十五里

賈家莊 城南六里

方家莊 城南七里

包孫莊 城南七里

冷河感德店 城南九里

趙虎李莊 城南十里

王道人莊 城南十一里

大吳莊 城南十三里

第七保半總甲十一村莊

郝家莊 城西南十三里

蔡家莊 城西南十四里

王邢莊 城西南十四里

白家莊 城西南十八里

王英莊 城西南十八里

劉汗莊 城南十八里

吳橋縣志

卷一

輿地志 里甲

六

孫家莊 城西南三十里

豐樂李莊 城西南三十里

仲家灣 城西南十一里

避雪店 城西南十二里

尹家莊 城西南十三里

第八保半總甲十一村莊

李牌莊 城南十里

小吳莊 城西南二十里

馬鉄郭莊 城西南十一里

後劉家寺 城西南十一里

前劉家寺 城西南十二里

車家莊 城西南十三里

張家莊 城西南十六里

王扛莊 城西南十七里

高家店 城西南十八里

小天罡莊 城西南三十里

閆家莊 城西南十三里

縣西地方分統五保

第一保一總甲二十八村莊

小周莊 城西二里半

城西梁莊 城西三里

范家莊 城西南三里

堤上郭莊 城西南四里

永豐莊 城西南四里

牟家莊 城西南四里

新家莊 城西南四里半

蔣子郭莊 城西南五里半

葉家莊 城西南六里半

孫涼粉莊 城西南七里半

張家集 城西南八里

上村陳莊 城西南八里

上村唐莊 城西南八里

上村王家莊 城西南九里

石佛莊 城西南十里

上村孫莊 城西南十里

吳橋縣志

卷一

輿地志 里甲

六十七

裴莊 城西南十里

大龐莊 城西南十里

封家莊 城西南十一里

絲瓜張莊 城西南十二里

金牌寨崔莊 城西南十二里

小李莊 城西南十二里

大張莊 城西南十三里

大狗李莊 城西南十三里半

段家莊 城西南四里

尹家莊 城西南五里

王溫莊 城西南六里

王指揮莊 城西南六里

第二保一總甲二十三村莊

鏢子楊莊 城西南十五里

金牌寨呂程莊 城西南十五里

李湛莊 城西南十六里

前後潘莊 城西南十六里

西沙王莊 城西南十七里

韓澤莊 城西南十七里

賈于王莊 城西南十八里

東宋門 城西南十八里

大齊莊 城西南十八里

皮貨劉莊 城西南十八里

李茂什莊 城西南十九里

香粉王莊 城西南二十里

尤莊 城西南二十里

黎園 城西南二十一里

辛集 城西南二十一里

管家莊 城西南二十一里

時家莊 城西南二十二里

西宋門 城西南二十二里

西天罡莊 城西南二十三里

小馬廠莊 城西南二十三里

彥高莊 城西南二十五里

丁家莊 城西南二十六里

小王莊 城西南二十六里

第三保一總甲二十三村莊

吳橋縣志

卷一

輿地志

里甲

六六

東石佛寺 城西南十里

闖齊莊 城西南十里

軍王莊 城西南十一里

崔莊 城西南十一里

小龐莊 城西南十一里

張榜架莊 城西南十二里

劉桐莊 城西南十三里

孫筐頭莊 城西南十三里

小李莊 城西南十四里

王亮莊 城西南十四里

楊保莊 城西南十五里

中陳莊 城西南十五里

李思孟莊 城西南十五里半

大劉莊 城西南十六里

前陳莊 城西南十六里半

小劉莊 城西南十七里

渡箕劉莊 城西南十八里

羅家屯 城西南十八里

新鎮店 城西南十八里

張莊 城西南十九里

祝家新莊 城西十一里

西王莊 城西十五里

趙橋 城西十八里

第四保半總甲十五村莊

徐家園 城西一里

大崔莊 城西二里半

三里井莊 城北三里

小崔莊 城西三里半

胡家莊 城西四里半

徐家莊 城西五里

後李莊 城西五里

張灣莊 城西五里

黃凡莊 城西七里

鄭家莊 城西七里

盧家莊 城西七里半

上村馬莊 城西八里

上村盧莊 城西八里

曹家窪 城西八里

矣橋縣志 卷一

輿地志 里甲

五

上村劉莊 城西十一里

第五保半總甲十村莊

朱家莊 城西二里

沙王莊 城西三里半

前李莊 城西五里

馬三岡莊 城西七里

姜家莊 城西七里

岳家莊 城西七里

丁家莊 城西八里

景家莊 城西二里

紀家莊 城西十二里

樓子鋪 城西十二里

縣北地方分統二保一甲

第一保一總甲四十七村莊

申家莊 城西六里

杏園高莊 城西六里

張松莊 城六里北

吳來儀莊 城七里北

小孫莊 城八里北

窰王莊 城八里北

八里韓莊 城八里北

小侯莊 城九里北

官道姜莊 城九里北

甯家莊 城十里北

前翟莊 城十里北

宋家莊 城十里北

雙井王莊 城十里北

雙劉店 城十里北

蘇家莊 城十里北

郭莊 城十一里北

滿家莊 城十里北

五子行孫莊 城十一里北

前孫莊 城十一里北

後翟莊 城十一里北

後孫莊 城十二里北

彭家莊 城十三里北

吳橋縣志

卷一

輿地志 里甲

馬家巷 城十三里北

三教堂 城十三里北

短拱王莊 城十三里北

崔家莊 城十三里北

蔡家莊 城十三里北

位家莊 城十三里北

張家香坊 城十三里北

靳家莊 城十三里北

馮家莊 城十四里北

趙家莊 城十四里北

趙葦莊 城十四里北

萬糧侯莊 城十五里北

陳姑菴莊 城十五里北

小高莊 城十六里北

王家坊 城十七里北

牛家屯 城十七里北

孟家窪 城十七里北

佛劉莊 城十七里北

魏家莊 城二十里北

武家坊 城二十里北

李皋如莊 城西北二十里
小張莊 城西北二十里
丁家窪 城西北十三里

張家新莊 城西北二十里
邢家窪 城西北十一里

第二保一總甲二十七村莊

齊莊 城北十五里

丁莊 城北十五里

焦家莊 城北十五里半

龐莊 城北十五里半

大吳莊 城北十六里

道王莊 城北十六里

竇莊 城北十七里

灣西王莊 城北十八里

于家集 城北十八里

萬莊 城北十八里

閆莊 城北十九里

沙王莊 城北十九里

吳橋縣志 卷一

輿地志 里甲

馬奇莊 城北二十里

袁莊 城北二十里

蒲莊 城北二十一里

梁家塔 城北二十二里

李百戶莊 城北二十三里

李千秋莊 城北二十三里

沙窩鄭莊 城北二十三里

小李莊 城北二十三里

紀莊 城北二十四里

劉家坊 城北二十四里

王小錫莊 城北二十四里

邵莊 城北二十四里

單家店 城北二十四里

于家莊 城北二十四里

劉家莊 城北二十四里

第三保一總甲二十八村莊

南徐王莊 城北二十六里

史窩李莊 城北二十七里

沙窩李莊 城北二里

顏家莊 城北二里

殷家莊 城北二里

前曹莊 城北二里

中徐王莊 城北三里

後曹莊 城北三里

油坊王莊 城北三里

小李莊 城北三里

馬家莊 城東北三里

油坊李莊 城東北三里

馬遷莊 城北三里

北徐王莊 城北三里

李家辛莊 城東北三里

彭家莊 城北三里

梁家集 城東北三里

顧家莊 城北三里

二人莊 城北三里

孫家莊 城東北三里

徐連九莊 城北三里

劉金莊 城北三里

吳橋縣志

卷一

輿地志 里甲

小趙莊 城北三里

邵家莊 城北三里

牟家庵 城东北三里

徐家莊 城东北三里

甯家莊 城东北四里

傅家莊 城北四里

縣西北沿河地方分統四甲

第一甲三十五村莊

張家窪 城西北六里

扁担劉莊 卽小劉莊城

雙廟盧莊 城西北七里

吳家柳行 卽吳家新莊

後戚莊 城西北八里

徐羊皮莊 城西北八里

焦莊 城西北八里

宋莊 城西北八里

前戚莊 城西北八里

林莊 城西北九里

齊莊 城西十里

馬司城莊 城西二里

董家莊 城西北二里

張臯莊 城西北二里

東張窰頭莊 城西北二里

西張窰頭莊 城西北二里

王家場 城西二里

崔莊 城西北二里

姜家閣 城西北二里

楊家樓 城西北二里

蘇家場 城西二里

水波街 城西北二里

窰廠店 城西北二里

謝莊 城西北二里

于家場 城西二里

芝蘇王莊 城西北二里

安陵 城西二里

李大頭莊 城西北二里

紀莊 城西北二里

東何莊 城西北二里

吳橋縣志

卷一

輿地志 里甲

徐家口 城西北二里

西何莊 城西北二里

馬圈 城西北二里

柳莊 城西北二里

范家 城西北二里

第二半甲九村莊

馬庫吏莊 城西十里

中楊家橋 城西十里

東楊家橋 城西十里

西楊家橋 城西十里

張粗腿莊 城西十里

楊文正莊 城西十里

李尙學莊 城西十里

郝家莊 城西十里

鄧家莊 城西十里

第三半甲十七村莊

雙廟王莊 城西北二十九里

柳窩莊 城西北三十里

馬家廟 城西北三十里

王見台莊 城西北三十里

大吳莊 城西北三十里

王家辛莊 城西北三十二里

大王莊 城西北三十五里

趙家辛莊 城西北三十五里

胡家園 城西北三十五里

夏家莊 城西北三十八里

小馬莊 城西北三十八里

五里楊莊 城西北四十里

後新莊 城西北四十里

前新莊 城西北四十里

中新莊 城西北四十里

南園子 城西北四十里

連鎮 城西北四十一里

第四甲五十三村莊

吳橋縣志

卷一

輿地志 里甲

前橋上村 城西北二十五里

中橋上村 城西北二十六里

後橋上村 城西北二十七里

房莊 城西北二十八里

祁家寺 城西北二十八里

呂家寨 城西北二十九里

齊莊 城西北二十九里

馬家寨 城西北二十九里

劉譚莊 城西北二十九里

王家樓 城西北三十里

小碾王莊 城西北三十里

姜家堂 城西北三十里

魏家寨 城西北三十里

大溫寨 城西北三十里

劉家閣 城西北三十里

洪家寨 城西北三十里

盧家廟 城西北三十里

朱家寨 城西北三十一里

王家淺 城西北三十一里

莫家場 城西北三十一里

柳窩莊 城西北三十一里

卜家巷 城西北三十一里

小温寨 城西北三十一里

張家圈 城西北三十二里

丁家門樓 城西北三十三里

十五里口小王莊 城西北三十三里

河東十五里口 城西北三十三里

小馬莊 城西北三十四里

河西十五里口 城西北三十四里

董莊 城西北三十四里

李梅莊 城西北三十五里

小王莊 城西北三十五里

周莊 城西北三十五里

施莊 城西北三十五里

河西董莊 城西北三十五里

史莊 城西北三十五里

東三里莊 城西北三十六里

後三里莊 城西北三十六里

西三里莊 城西北三十六里

前七里莊 城西北三十七里

吳橋縣志

卷一

輿地志

十王殿 城西北三十七里

鄭莊 城西北三十七里

河西小王莊 城西北三十七里

韓家窪 城西北三十八里

後七里莊 城西北三十八里

五里莊 城西北三十九里

前雙廟 城西北三十九里

後雙廟 城西北四十里

箕子王莊 城西北四十里

戈普莊 城西北四十一里

陸家莊 城西北四十三里

宗莊 城西北四十三里

按原志村莊三十二舊志見於古蹟集場村莊共一百七十

餘而曰吳橋百姓盡鄉居自明季兵荒來孤村寫疇邱墟者

多矣現存者八百論大概耳茲查保甲得五百七十四按方

向道路分保開列村莊分牌甲向有二小村合一牌亦有一

大村分數牌者

河渠

運河在縣城西二十里東岸自山東德州半截碑對岸交界起北至連鎮火神廟東光界止計河程六十五里三分係吳邑管轄西岸南自半截碑德州界起至清水灣北石馬灣止河程係景州管轄與吳邑以河心為界自石馬灣北景州界起北至連鎮火神廟對岸東光界止河程二十七里係吳邑管轄額設縣為兼河又河員吳橋縣丞一員該管東岸南自徐家口安陵把總汎界起西岸南自石馬灣北景州界起均北至連鎮火神廟東光界止河程二十七里安陵把總一員該

吳橋縣志

卷一

輿地志

河渠

管東岸南自半截碑對岸德州界起北至徐家口接縣丞汎界止河程三十八里三分

老黃河在縣城西南導山東恩縣四女寺閘之水由德州入境東北行由城南至縣屬三岔河會鈎盤河至城東經黃家鎮入甯津縣界延袤五十餘里又北行轉東入南皮縣山東通

志老黃河自直隸元城縣至德州為禹醜二渠之貝邱川

貝邱

漢時屬清河郡今為東省東昌府清平縣

至王莽時遂為屯氏河支瀆自德州至

樂陵為鬲津故道自直隸鹽山縣至東省海豐縣大沽河口則唐時所開之無隸溝也今會為一渠通謂之老黃河今涸鈎盤河亦在縣城西南蓋皆唐時河流決入之道以新蹟而被

以古名者也自西南堰高家莊接德州界起至三岔河會老
黃河同入甯津延袤三十五里今涸以上兩河現在山東四
女寺開淤塞無來源

沙河舊志沙浪口古訛傳爲柵欄口卽沙河實古河也在縣城
西是大河分流由山東德州入境經吳家廟王家橋馬家庵
于家集北入東光界其分流之口久塞遇雨潦受西南積水
下入東光界

畿輔通志衛河卽南運河也亦曰永濟渠亦曰御河郡志衛
河源發河南衛輝蘇門山百泉出焉流注新鄉汲縣而東至
於濬淇水注之又自內黃東出至山東館陶縣西漳水合焉
北至臨清東合濟汶洸沂泗五水於會通河遂曰南運河經

吳橋縣志

卷一

輿地志 河渠

二

清河武城入河郡故城縣之鄭鎮是爲河間水東行十四里
入山東德州恩縣又東行二十六里復入故城經南關抵孟
灣計六里餘又入德州衛屬自此東行二十里爲四女寺壩
轉北行五十二里爲哨馬營壩又五十里至半截碑入景州
凡十九里至清水灣屬吳橋又東北行四十二里入東光北
行六十里至楊家園屬交河循交河西岸北行二十里經泊
頭鎮至黃古隄則統歸南皮焉凡衛水之支流別出吳橋者
爲鈞盤河由吳橋會鈞盤河入甯津者爲老黃河明永樂十
年尚書宋禮於德州西北開一小河東北流十二里入舊老
黃河至海豐之大沽口入海宏治中都御史白昂復於德州

之南四女寺鑿裏寺至九龍口入舊者黃河歸海嘉靖十五年工部郎中楊旦於四女寺建閘以時啟閉萬曆二年以後漳水不從館陶入衛於是運河歷汎泛溢無遺而舊制盡廢國朝康熙三十六年漳水復出館陶運河驟漲自臨清以北頓苦決溢四十四年創建四女寺減水閘雍正四年改爲滾水壩九年挑挖引河入九龍口并疏濬老黃河故道十三年東省奏請於德州城北哨馬營建滾水壩開挖引河由陳公隄至曹家口入鈎盤河是則今山東四女寺壩卽白昂所開之裏河也哨馬營壩卽宋禮所開之小河也河勢自高趨下兩岸完固中溜寬平有銅幫鐵底之目云

吳橋縣志

卷一

輿地志 河渠

三

按郡志運河里數與設官管轄不符核之陸路則相似緣河程各關交界今照管轄里數詳載於前

大吳莊渠在縣城南十八里

王道人渠在縣城南十五里

宋家橋渠在縣城東十二里

三渠乾隆四年知縣王國熙勸民挑挖消洩田間瀝水

時家莊渠在縣城東北二十五里

宣惠河在縣城西十五里今涸

兩河渠乾隆五年知縣端木長法勸民開挖按宣惠河自李尚學莊北趙偉家莊西起至石家橋在東光縣界會沙河徑

鹽山入海境內延袤四十一里

劉漢莊渠在縣城南十五里

趙虎家渠在縣城南三十里

李方家渠在縣城南三十里

趙寨渠在縣城東南四十里

劉牙子莊渠在縣城西十里

五渠乾隆六年知縣端木長滋勸民開挑

夾河舊志載在縣城東北十五里二水中分雙虹並駕河流激

湍處今涸

龍灣在城東二十里淺深斷續流行東滙甯津縣界谷家河舊

吳橋縣志

卷一

輿地志 河渠

四

志所謂龍潭夜月是也昔有龍起於此故名今涸

梅家窪在縣城東北三十里

白草窪在縣城西南三十里

乾隆八年
歸入德州

曹家窪在縣城西十里

千頃窪在縣城西北四十里運河之西係景州衆水下流每遇

秋潦汪洋無際千頃信非虛也

河工附

運河原凡十淺在連窩鎮小馬營鐵河圈降民屯羅家口白草

窪高家圈朱官屯郭家圈王家淺明以衛河爲漕渠其瀕河

州縣皆以河干人民應充淺夫供濟河築隄役其淺各有地

分計地部置每淺額沒淺夫多者常至百人少亦三四十人
國初因之康熙年間裁汰其半乾隆元年汰淺夫設河兵歷今白
草窪已於乾隆八年歸併德州各圈屯口名亦時易非復舊
制如沿河連窩鎮南三里淺郭家圈王家淺徐家口蘇家場
南均有淺沿隄降民屯關帝廟蘇家場安陵范家莊白衣廟
十五里口郭家隄胡家圈三里淺小辛莊張家圈王家淺均
有險例准領帑歲修沿河村莊免役值大汎出夫幫同搶護
歷久境內有無漫溢辦過大工無攷咸豐四年粵匪李開方
林鳳祥竄踞連鎮

親王僧 督勦六月掘斷三里淺運隄水浸賊巢五年正月

吳橋縣志

卷一

河渠

五

蕩平後知縣吳夢曾堵築復潰知縣吳夢曾金元恭復修合
龍同治十一年東岸蘇家場要險紳士吳鏡蓉捐築草壩三
座十二年十五里口西岸漫口知縣石學階堵修十三年署
知縣倪昌燮擇要修葺並沿隄於三里淺郭家隄十五里口
南范家莊徐家口王龍光關帝廟降民屯添建防險堡房八
座紳士吳鏡蓉蘇家場建立防河公所一區

老黃河乾隆十年知縣滿保疏濬二十三年知縣麻廷璫加濬
鈎盤河乾隆元年知縣吳日燦督濬六年知縣端木長法十四
年知縣滿保加濬

宣惠河康熙三十六年知縣杜于藩開濬歲久淤塞乾隆五年

知縣端木長滋勸民開挖並挑時家渠六年開劉牙子莊等渠以消四路窪下瀝水民德之立碑在劉牙子莊記載藝文錄同治十年知縣石學階加濬築隄上無來源窪水無從下洩民病之訟經本府陳名崇砥於十三年勘斷遇有水患准卽棄隄爲渠疏洩入河定案

古蹟

將陵城在縣城東南二十五里趙寨鎮北基址尙存郡志載隋將陵廢縣唐屬平原郡宋屬景州永靜軍今皆廢

安陵城在縣城西北二十五里衛河東岸窰長店基址猶存今鄉鎮皆以安陵名蓋唐移治白社橋之安陵也宋併入將陵也

吳橋縣志

卷一

河渠 古蹟

六

城遂廢郡志謂晉東安陵屬渤海縣修縣東四十里安陵鄉也

祭風臺在城南古黃河堤上高數丈舊有與點亭風景佳麗邑中勝地今廢

釣魚臺在城西北二十里水波鎮東臺方里許基址尙存地當窪下夏潦水盛之時土人網罟之所俗謂姜太公釣魚臺則附會之言也

乾石橋在城內南大街西范公祠東古堤斷岸巋然尙存土人相傳作室者往往掘出磚石疑卽吳橋故址也城外三里大河南岸俗傳有吳家橋橋畔有甘泉以爲邑之得名於此是

否莫考今皆傾圮無跡

明德寺在安陵鎮唐安陵縣中寺也天寶十三載僧思順西河汾州人住持三十餘載建大殿塑百像均極莊麗後殿木像彫刻工緻旁列經堂客齋前立山門氣像巍峩墻垣高峻數行槐蔭曲繞河流時稱名刹有碑記唐僧卧雲明僧蘊空古峯玉川大川等相繼重修今圮

臥牛堂在城西二十里許新鎮店後古黃河堤上堂祀龍神坐臥牛像甚奇廟前瀦水曰黑潭潭中有坵浮水面水卽盛漲坵不能沒潭上一古木俗謂拴牛椿有碑光可鑑物世人呼爲透靈碑碑爲元人字跡模糊不具載

吳橋縣志

卷一

輿地志 古蹟

七

大乘寺在城內西北隅古之名刹也創建莫攷有明李憲副碑字久磨滅不錄明宣德九年僧洪達景泰七年僧德新宏治七年僧宏鑑正德九年僧順滿嘉靖三十三年僧維厚重修嘉靖元年知縣劉臨衢增建將陵福地坊歲久傾圮

國朝乾隆三十三年知縣沈士濂改建

各碑記載
藝文錄

崇慶寺在城東南十里亦古刹也創建莫攷層樓曲檻畫棟雕甍雅壯觀瞻寺壁徧鑿小龕龕供一佛龕佛千計每身長二尺許裝塑工巧旁設禪堂客舍亦皆清潔幽靜名其地曰千佛閣今圮

碧霞宮在城東南一里許古鈞盤河堤上係古刹文明勝地也

前有玉皇閣高丈南面臨河遊人學士往往登以攄懷創修莫攷同治十年邑紳劉碩膚周德俊等重修

普照寺鐵佛塔在城北二十里梁家莊今借名其莊曰梁家塔元至正明宏治年間重修碑字跡磨滅不可攷其始創矣塔

額曰鐵佛寶塔世傳佛為舍利座下有井常見光彩照人云國朝康熙二年梁君位乾隆二十年梁君一二十九年梁進元梁

從德梁毓瑄六十年梁恭運嘉慶九年梁曰鑑重修今圯山雨樓在縣治前大門上明知縣劉鉞建飛翬重簷壯麗宏厥

國朝順治三年知縣王家楫同治十年知縣石學階重修均惑於堪輿家言規模卑隘即為鐘樓鐘正德五年鑄聲聞數里舊

吳橋縣志

卷一

輿地志 古蹟

志所謂樵閣晨中鐘者是也

柏園在城南里許釣盤河南畔亦曰南園明李憲副別業也軒

楹幽雅岩玲瓏檜柏參天百卉競茂桃樹數百株開時爛熳

擬桃夏秋則綠樹成陰花遍地鑿池引流荷香滿座洵勝觀

也今廢其地猶名李家花園有范文忠公遊南園記載藝文錄

瀾園在城外東北城濠左明范文忠公別墅也今廢有楊萃瀾

園記載藝文錄

且園在城內范文忠公第今廢有明章閣且園記載藝文錄

復園即舊瀾園也本王氏積翠園范文忠公以其半為瀾園

國朝初復歸王氏王作肅復葺曰復園今廢

天臺寺在城北徐王莊俗呼牟家菴前鈴閣中正殿皆三重極壯麗供祀關聖大士圍列僧院十二則像多不輕而裝塑極工後起萬松林西北起浮圖三級爲邑中寺廟之最以入洛陽伽藍記當不多讓也創修莫攷今圯

雙井在城西北十里王家莊兩井相離僅尺許一甘一苦味迥不同

塚墓附

戰國齊孫臏墓在城東南十五里墳後有廟其村卽名孫公廟按房山亦有公墓

明勅賜祭葬都察院右副都御史張玉墓在城南三十里避雪

吳橋縣志

卷一

輿地志 古蹟 塚墓附

九

店舊郡志爲文靖墓註卽公墓門下士私謚日文靖公

有誌銘載

藝文錄

明勅賜祭葬南寧府知府封都察院右僉都御史范永年墓在

城南三里許鈎盤河陰

有墓表載藝文錄

明銅仁府知府敖文瑞墓在城東

明旌表節王母墓在城北八里許王莽河東岸

劉母墓孝子劉瑞廬墓其母之所在城東五里

段母墓孝子段興廬墓其母張氏之在城西南十五里

揚州府知府王立墓在城西

光祿寺署丞王暹墓

陝西西安府同知周尙志墓在城西三里許

戶部河南司主事周尙照墓在城西三里許

江西臨江府同知陞江西按察司僉事周尙忠墓在城東南二里許

陝西按察司西寧道兵備副使李懿墓在城南二里許

陝西按察司洮岷道兵備副使郜大經墓在城東北二十里

蘇家塚在城西北十里土人掘地有磚甬道遙與塚基通深不可入遂覆之無知其為誰塚者姑存以俟考

國朝賜謚文忠明東閣大學士贈太傅謚文貞范景文墓附南寧

公墓側 有誌銘載藝文錄

吳橋縣志

卷一

輿地志 塚墓附

十

國朝贈按察司僉事四川江安縣知縣劉澤厚墓在城東

國朝戶部主事督餉北平兼署道萬邦翰墓在城北十八里 有誌銘載

藝文錄

刑部郎中劉澤嗣墓在城東

鴻臚寺鳴贊楊詔墓俗呼楊家坟在城北一里許

通政司通政使李天經墓附李懿墓側 有誌銘載藝文錄

江南分巡淮揚兵備道王問羹墓在城東十二里老黃河岸

河南信陽州知州王伯齡墓在城西北八里窰王莊西

南宮縣教諭王作肅墓

馳贈道銜內閣侍讀兼翰林院編修劉廷瑞墓在城東南三里何

家堤後

浙江嘉興府知府方林墓在城北連鎮南

翰林院編修熱河監察御史方城墓附方林墓側

翰林院庶吉士山西路安府同知祝德全墓在城三里沙王莊

貴州平遠州知州季炬墓在城南李家花園

河南分守道兵備副使王允長墓在城西三里許沙王莊南

鴻臚寺序班劉掇科墓

鴻臚寺序班劉繼思墓

章邱知縣劉靖華墓

吏部驗封司郎中劉子正墓有誌銘載藝文錄以上四墓均在城南

吳橋縣志

卷一

輿地志

塚墓附

風俗

十一

避雪店北

風俗

其氣專質厥性信謙爾雅疏李巡云

其人尚多好儒學性質直懷義有古之風烈隋書

人性質厚少文多專經大率氣勇尚義號為強枝土平而近邊

習於戰鬪宋史郡屬風

在三輔之內文物衣冠之盛比於鄒魯元李繼本送董景甯序

人多貴德俗皆敦樸衣冠不乏風俗熙熙民淳訟簡無強暴相

凌之風農桑為先務詩書要領舊郡志

素盛衣冠多文學儒者新郡志

土厚俗樸其爲士者質於衣冠言語風氣敦古故民壽考多百

歲之人

舊縣志

冠總角時卽加帽無三加禮

婚先通媒妁女家允許具帖使媒妁奉啟以求女氏答之如儀
曰送書忌同姓不論財將成婚擇吉期書於束禮致之曰通
信女氏前期送妝奩張陳於婿之室曰鋪牀至期婿家先送
新人衣飾曰催妝婿必親迎無奠雁禮外舅家盛筵禮婿以
女歸交拜天地入室合卺坐帳冠帶而後同牢以食次日祀
祖謁翁姑

喪初喪躡踊哭泣扶屍整衣飾寢於牀居室正中懸紙錢於門

吳橋縣志

卷一

輿地志 風俗

十一

擇時入殮孝屬哭拜於廟曰燒魂紙次晚焚門旛紙札車馬
衣服於途曰送盤纏三日成服設靈幃立銘旌另舉門旛於
大門外門內設告牌並訃告戚友孝子寢苫枕塊戒葷酒宿
靈次士夫家多守禮法每逢七日哭奠謂之做七親友聞喪
卽素服往唁撫屍哭戚友之疏者俟弔期始往奠焉踰月而
葬誌石期定於開弔後數日發引曰出殯前一夕行辭靈禮
厥明發引喪輦前祭器明器旛仗畧如家禮所陳親友奠送
於途曰路祭神主先題留主字一點求爵德俱顯者塋上點
之曰點主亦有行於家者曰點堂主柩起卽出無朝祖儀葬
畢奉神主歸曰回靈不反哭三日復至塋哭奠卽釋喪服奉

神主祔於祖祠

祭士夫有家祠庶人多無先祠遇除夕元旦中元祭祠於家遇寒食十月朔祭掃於墓遇忌辰亦墓祭皆焚紙錢祭拜而已所謂祭品祭儀弗講也士夫遇令節供饌於祠或設酒果食薦之族衆者立祭田寒食十月朔公祭祖塋陳牲餽餘猶有禮文祭不用樂登科出仕必祭於墓

元旦先期設牲饌昧爽後祀神祀先拜尊長已親友交相拜賀新壻則偕婦同往拜賀恒歷數日而後同歸

立春飲春酒茹春餅切鮮紅菜菹食之曰敲春

元宵張燈三日放烟火演雜劇士女喧闐官不禁夜

吳橋縣志

卷一

輿地志 風俗

十三

十六日婦女咸登城謂走百病

二十五日名填倉日咸黎明以灰畫地爲困實以五穀覆以瓦日出開曝之爲收倉農家食順風糕

二月二日名龍擡頭日咸晨起汲水謂之引龍敲梁鎮蝎鄉村

祭賽土地神

寒食展墓加新土焚紙錢

清明插柳於門並折戴之有攜酒踏青者

端午門懸艾虎晨以艾水盥飲雄黃酒食角黍帶硃砂小兒雄黃塗鼻耳以五色絲擊手足腕枕艾虎枕婦女戴艾綵符親友交相饋遺

夏至食麥粥

六月六日曝衣履書籍

七月七夕女子設瓜果祀織女

七月十五日中元節祭先祖設瓜果獻黍

中秋親友以月餅瓜果相饋遺如端午夜各祭月置酒賞之

重陽登高飲菊酒食糕

十月一日祭掃先塋剪楮為衣焚於墓謂之送寒衣

冬至祀祖士夫行拜禮於官長親友交相拜賀重陽生也

臘月八日合米豆諸果煮粥相饋食為臘八粥鄉紳富民施粥

二十三日晚祭竈神曰辭竈必用糖瓜黏糕自是至除夕涓吉

吳橋縣志

卷一

輿地志

風俗

物產

古

掃舍人多乘時婚娶曰趕闌歲

除夕換挑符貼門神春聯卑幼為尊長辭歲親友咸相饋遺椒

盤治酒爆竹通宵中夜供設諸神先祖奠酒降神曰接神一

家少長圍爐共酌曰守歲

物產

穀之類九

黍

有黃白黑赤數種一名秬一名秠種植苗穗與稷同宜肥地多收說文禾屬而黏也以大暑而種故謂之黍

有黃白紫黑數種說文齋也五穀之

長本草稷即稌一名粢禮稱明粢 麥有春秋二種說文麥芒穀秋種厚薶麥金

也金王而生火王而死廣雅小麥稜也羣芳譜北地燥

冬多雪春少雨麥晝花薄皮多面食之宜人陳者更良 麩名

牟麥大麥也莖葉與小麥相似但莖微粗葉微大色深青而外如白粉芒長殼與粒相粘未易脫爾雅翼大麥宜為飯又

可為酢其粟有黃白青赤數種米之連殼者本五穀之中一
葉可為飴粟屬也北方直名之曰穀脫殼為米亦曰小米
為陸種之首說高粱有黃白黑赤數種博物志地節三年種
文嘉穀實也高粱蜀黍羣芳譜蜀黍一名高粱又有蜀秫
木稷蘆稌粟荻梁諸名以種來自蜀形類黍稷故有諸蕎
名有二種粘者可和糯秫釀酒作餌不粘者可作糕煮粥蕎
麥一名烏麥立秋前後下種密種則實多稀則少八豆有黃
九月熟最畏霜又宜早種遲則少收詩視爾如菽豆黑青
綠數種廣雅大豆菽也小豆荅也淮南天文訓北方其地宜
菽物理論菽眾豆之總名黑豆苗高三四尺蔓生經霜乃熟
小者為雄豆入藥良大者止堪食黃豆亦有大小二種比黑
者稍肥青小豆一名胡豆百穀中最先登者綠豆以色名作
粟非圓小者佳北人用脂麻有白黑二種一名油麻一名胡
之甚廣為食中要物麻陶宏景曰八穀之中惟此為
良以二三月望前種實多而成

蔬之類二十五

芹有水芹園芹野芹說文楚葵也蔥說文菜也本草外直蒜
埠雅芹潔白而有節其氣芬芳蔥中空有恩通之象也蒜

吳橋縣志

卷一

輿地志 物產

十五

一名曰大蒜北土以為常食說文葷菜也崔豹古今注
蒜卵蒜也俗謂之小蒜爾雅翼大蒜為葫小蒜為蒜
一種而久者故謂之韭齊民要術韭高三寸便剪凡
剪不用日中諺曰日中不剪韭也埠雅韭之美在黃菘種一
曰白菜最肥大而厚一本有重十餘觔者一日黃芽菜苗葉
皆嫩黃色脆美無滓佳品也埠雅菘性陵冬不彫四時長見
有松之操故其字會芥一名棘菜其氣辛辣有介然之義又
意南史秋末晚菘可過冬也揚子方言薺莢趙魏之間
謂之大芥其小者謂之辛芥或謂之荳荑一名香荑冬春蘿
香芥埠雅芥似菘而有毛其子如粟荳荑採之香美可食蘿
蔔一名萊菔狀有長圓二類根有紅白二色又有胡蘿蔔黃
赤二種長五六寸爾雅葵蘆脆蔬紫花菘也一名蘆菔今
謂之蘿菠萊一名菠蔴味甘美玉篇菠蔴菜名羣芳譜此菜
葡是也必過月朔乃生即晦日下種與十餘日前種者
同出亦山藥本草一名藟藟羣芳譜原名苘蒿莖微葉綠有
一異也薯蕷一名山藟一名玉延苘蒿刻缺微似白
蒿函史物性志甘露子一名玉環俗名滴露羣芳譜莖高二
云苘蒿香可茹三尺葉如麻葉根形長如聯珠色白
味甘苘菜似白苘而尖嫩多皺色稍青生食味清
而脆苘苽脆續博物志云苘苽出苘國有毒百蟲不敢近

莧菜 有赤白紫數種皆三月種葉如藍莖黃高夫易見故名
莧爾雅黃赤莧又有馬齒莧柔莖布地葉對生比並圓
整如馬 薯蕷 一名蒸菜葉青白色似白菜銀條形白而細
故名 薯蕷 葉而短莖亦相類但差小耳 銀條 長味清脆
瓜 蔓生可生食學圃餘疏 稍瓜 較玉瓜頗粗 絲瓜 一名天羅
瓜 王瓜出燕京者最佳 稍瓜 色綠而黑 絲瓜 一名天羅
絮色綠不可生食 冬瓜 一名水芝長者如枕圓者如斗博雅
瓢絲如網可絛器 冬瓜 瓜蒞也水芝瓜也其子謂之瓢
南瓜 蔓生莖粗而空葉大而綠 壺盧 俗作葫蘆有大小數種
食苦者有毒不可食詩八月斷壺卑雅似匏而圓曰壺亦曰
壺蘆古今注曰壺盧瓠之無柄者也壺性善浮要之可以涉
水 瓠 苗葉花俱如壺盧結子長一二尺亦如短者粗如人肘
瓠短項大 茄 一名落蘇有紫青白三種老則黃如金王褒僮
腹曰匏 茄 約別茄披蔥清異錄茄子隋煬帝綠飾為崑侖
紫蔓菁 一名蕪菁一名諸葛菜根長白形如胡蘿
瓜 霜後特軟美爾雅翼北土種之尤多

果之類十四

吳橋縣志

卷一

輿地志 物產

棗 小爾雅棘實謂之棗卑雅大者棗小者棘北魏書棗強有
類甚多總以車頭小 桃 典術桃五木之精油木也卑雅桃有
棗居上大棗次之 桃 華之盛者其性早華舊志銀桃味佳
秋桃 杏 管子五沃之土其木宜杏羣芳譜樹大花 李 有數種
熟遲 杏 多實多根最淺以大石壓根則花盛子牢 李 色有紫
黃綠之別味有甘酸苦澀之殊卑雅李 梨 陶宏景別錄梨性
性難老雖枝枯子亦不細其品處 桃 上 梨 冷利多食損人謂
之快果羣芳譜上巳 沙果 一名花紅織輔舊志 蘋果 羣芳譜
曰無風則結梨必佳 沙果 綿而沙者曰沙果 蘋果 出北地
燕趙者 葡萄 本草圓者名草龍珠 石榴 古今注一名丹若博
元佳 葡萄 長者曰馬乳葡萄 石榴 物志張騫使西域還
得安石榴羣芳譜一名若 柰 亦李 無花果 草赤形類沙果文
榴 一名天漿今在處有之 柰 之類 七月食瓜羣芳譜今北方
官果 五雜俎形如螺味甚 西瓜 詩七月食瓜羣芳譜今北方
故名 甜瓜 學圃餘疏甜瓜以 西瓜 處處有之舊傳種來自西域
西瓜 甜瓜 香而小者為第一

木之類十一

柏爾雅柏栲周禮職方氏冀州其利柳埤雅柳柔脆易生之
顛倒植之皆生本楊有青白二種古今注槐春秋說題辭槐
草柳華一名柳楊白楊葉圓青楊葉長槐木者虛星之精
廣志槐材有青桑詩蠶月條桑說榆疏榆有十種葉皆相似
黃白黑數種皮及木槲可啖槲氣臭北人呼為山椿椿俗名香椿杜爾
理異光云赤者荆羣芳譜有青赤二種無名樹似榆非榆似
疏樊光云赤者荆羣芳譜有青赤二種無名樹似榆非榆似
為杜白者為棠青碧如象豆可食

花之類二十

迎春一名金腰帶最長春學圃餘疏花之四季開者蘭桂之
薔薇一名薔薇木草薔薇有木槿朝生夕隕丁香花小名丁
荷爾雅疏北方人以藕秋葵蓋與蜀葵月一種蜀葵爾雅
為荷亦以蓮為荷

吳橋縣志

卷一

輿地志 物產

七

葵註今蜀葵也花小萱說文忘憂草也羣芳譜一名宜月季
一名蜀葵曰一丈紅男婦人懷孕佩其花必生男
詩何似此花榮艷足四時長放淺深紅菊治蕋疏云今之秋
華菊禮月令季秋之月鞠有黃華埤玉簪花疏一名白鶴花
雅鞠草有華至此而窮焉故謂之鞠玉簪花疏一名白鶴花
錄常保衡呼金萱藍菊一名江西臘羣芳譜秋海棠一名八
玉簪為綠莊嚴藍菊一名江西臘羣芳譜秋海棠一名八
疏秋海棠嬌好宜以金銀花羣芳譜一名鴛鴦草一名左
幽湖北窻下種之金銀花羣芳譜一名鴛鴦草一名左
仙本謝相續不斷羣芳譜一名海納一名早珍珠一名小桃
紅一名染雞冠有紅紫黃白數種羣芳雁來紅一名老少年
指甲草雞冠譜花最耐久霜後始薦雁來紅一名老少年
者曰老少年紅紫黃蕙蘿詩蕙與女蘿施于松柏爾雅唐蒙
綠相兼者名錦西風蕙蘿女蘿女蘿菟絲本草一名松寄生
石竹草本梗多節形似竹花有紅黃白赤雜色繁而易生

草之類八

蒿 說文葭也。埤雅：蒿草之高者。趙岐：孟子註：莠之莖葉似苗。茅：說文菅也。易拔茅之。蓬：詩爾雅：蓬蒿，侯莎其實，媿夏小正：緹者莎，隨也。緹也者，其蓬。詩實也。爾雅：翼莖葉似三稜，根周匝多毛，謂之香附子。蓬，彼苗者，蓬商子飛蓬，遇飄風而行千里，乘也。蓼：爾雅：蓼，蓼此，即風之勢也。埤雅：蓬蒿屬草之不理者也。蓼：爾雅：蓼，蓼此，即羣芳譜一名水稗。說文禾別也。廣韻：馬鞭：本草：蕙類。莊花其類甚多。稗草似穀而實細。

藥之類二十九

菟絲子 爾雅：菟絲，蔓延草上，生黃赤如金。今合藥菟絲子，是也。淮南子：菟絲無根而生。埤雅：在木為女蘿，在草為菟。車前子：爾雅：芣苢，馬烏草木蟲魚疏：馬烏一名車前。羣芳譜：一名草金鈴，一名白丑，黑丑。蔓生有黑白二種，黑者尤多。紫蘇：爾雅：蘇，桂在本草葉。茵陳：本草註：經冬不死，更因陳。大薊：本草：薊，猶髻也。小薊：俗名青刺，薊北人呼為千針草。桑白皮：羣芳譜：桑白皮，利小水，根皮有毒。蒲公英：名一。

吳橋縣志

卷一

輿地志 物產

紫花地丁：小斜。益母草：爾雅：疏萑，蔞今芫蔚也。廣雅：名一母。布地：四散而生。蒼耳：埤雅：卷耳一名艾。爾雅：艾，冰臺，博物志：削冰令圓，舉以瑞草亦云。蒼耳：向日以艾承其影，則得火，故曰冰臺。白扁豆：有紫白二種，一名羊眼豆，以形象羊眼也。二。茜草：即簽色赤味酸。甘草：高數尺，俗地骨皮。即拘薄荷。葉生而長，味能行血止血。大。桔樓：莖長數丈，花小而黃，結子如拳。杏仁：雙仁者，殺毒。大。瞿麥：本草：花大如錢，紅白斑爛。附：本草：性平，氣香，味辛。色是娥媚，俗呼為洛陽花。葶藶：本。草。子。如。黍。粒。微。斑。毛。本。草。即。豆。葉。上。蟲。夏。枯。草。高。尺。許。莖。長。色。黃。味。辛。苦。本。草。一。名。忍。冬。又。名。旱。蓮。本。如。旋。覆。實。似。蓮。房。一。則。金。銀。花。耐。冬。亦。名。左。纏。藤。名。鯉。腸。又。名。金。陵。草。竹。瀝。本。草。一。竹。有。瀝。猶。人。之。枸。杞。本。草。南。方。高。尺。許。者。地。可。槐。實。本。草。即。槐。樹。上。所。結。有。黃。有。赤。

貨之類七

棉花 有紫白二種廣韻木棉樹名演繁露唐環王布釋名布
博古貝草也緝其花為布蠶曰貝精曰蠶
列眾縷為經以線周禮縫人油膏也有蓖麻子荆筐承物器
緯橫成之也註線縷也棉花子二種
筐是將有以酒有二種以黍米釀者為黃香以雜本末加香
柳為箕為斗酒以高粱釀者為燒酒

羽之類十

鷄 說文知時畜也春秋說題辭鷄為積陽南方之鷄說文馴
象故陽出鷄鳴以類感也古今注鷄一名燭夜鷄也長
脰善鳴巖首似傲故鳴說文鷲也爾雅釋鳥舒鳧鷲鷲鷲
曰鷲卑雅鷲鷲如瘤鳴岬其鳴自呼鳧能高飛而鷲舒緩
不能飛故鷲說文鳩屬陸佃曰鷲性喜合凡鳥雄乘鳥說文
曰舒鳧鷲雌惟鷲鷲乘雄逐月有子又名鷲鷲鳥孝鳥
也象形詩莫黑匪鳥廣雅純黑而反哺者鷲鷲一名乾
謂之鳥小而腹下白不能反哺者謂之鷲鷲一名鷲鷲說
文知太歲之所在博物志鷲巢開口避太歲本草鷲大如鴉
而長尾尖背黑瓜綠背白腹上下飛鳴以音感而孕以視而

吳橋縣志

卷一

輿地志

物產

十九

抱季冬鳩 說文鷓鴣也爾雅註似山鷓而小短尾青鷓廣韻
始巢鳩 黑色多聲禽經拙者莫如鳩不能為巢鷓鴣
本草鷓鴣大如鷓鴣頭細而無尾雀說文依人小鳥也古鷓
有斑點雄者足高雌者足卑今注雀一名家賓燕說
燕立鳥也爾雅釋鳥燕燕馭博物志燕戊
巳日不銜泥塗巢此非才智自然得之

毛之類十

馬 說文怒也武也玉篇馬武獸也春秋考異記地主月月精
為馬月數十二故馬十二月而左傳翼之北土馬之所
生牛 說文大牲也周禮職方驢說文似馬長耳正字通驢有
氏冀州其畜宜牛羊驢 褐白黑三色以午及五更初
而鳴協 贏 說文驢父馬母正字通贏似驢而健驢
漏刻 贏 力在驛驢力在腰乘者隨其力進退之豕爾雅擇
豬說文豕豕也竭其尾故謂之豕小羊說文羊祥也玉篇豕
爾雅豕豕也其子曰豚大者謂之豕豕屬淮南天文訓北方
其地多犬 說文狗之有縣號者也狗叩也叩氣吠兔者明兔
牛 羊 犬 以守也詩無使龍也吠毛傳曰龍狗也兔者明兔
之精博物志兔望子貓 貓 為其食田鼠也鼠 說文穴蟲之總名
月而孕口中吐子貓 為其食田鼠也鼠 說文穴蟲之總名

盜

鱗介之類二

鯉爾雅釋魚鯉註今赤鯉魚神農書曰鯉為魚王無大小春旁鱗皆三十有六鱗上有小黑點文有赤白黃色三種
鯽本草形似鯉色黑體促腹大脊隆

蟲之類十五

蠶說文任絲也西陽雜蟬說文以旁鳴者大螳蝦
令仲夏之月螳蝦生爾蠶說文飛蟲螫人者爾雅釋蟲蠶醜雅不過螳蝦其子蟬蛸蠶又土蠶木蠶爾雅翼蜂種類至多其黃色細腰者謂之穉蠶蠶尾蟲也詩疏蠶一蛇說文虫蜂又蜜蜂人收而養之蠶名杜伯幽州謂之蠶蛇也从虫而長象窈曲垂尾形上古草居患蠶說文蟲之腹者埤雅虹它故相問無它乎埤雅蛇以眼聽蠶青蠶亂色蒼蠶亂聲虹蚓禮月令孟夏出蜘蛛說文鼃鼃鼃也或从虫爾雅鼃鼃草鼃之月虹蚓出蜘蛛鼃埤雅蜘蛛布網如罾其絲繞詩蠨蛸

吳橋縣志

卷一

輿地志 物產

二十

在戶傳小蜘蛛也俗呼為喜子西京雜記蜘蛛集而百事喜蜥蜴爾雅釋魚蜥蜴守宮也說文在草為蜥蜴在壁曰蜥蜴古蜥說文蜥蜴也玉篇蜥蜴古今注蜥蜴一名龍子一曰守宮今注蜥蜴一名野蛾一名風蝶其大者名為鳳子爾雅翼今菜中青蟲每促織當春時緣行草木以絲自圍數日背裂蛻為蝶促織古今注緯袁宏道促織志有一種似蚱蜢而身肥蜻蛉說文蜻蛉也大京師人謂之聒聒南人謂之紡線孃蜻蛉爾雅釋蟲虻蛭負勞疏即蜻蛉六足四翼爾雅釋蟲虻蟲也陶註本草云一名蜻蛉蟻爾雅釋蟲封穴戶大雨將集蛭蛭爾雅蛭之智在於轉丸

